

七十二家集

梁武帝御製集目錄

明海濱逸史張燮紹和纂

卷之一

賦

淨業賦

有序

孝思賦

有序

圍棋賦

賦體

卷之二

樂府

芳樹

有所思

臨高臺

雍臺

長安有狹邪行

擬青青河畔草

擬明月照高樓

閨闔篇

邯鄲歌

子夜歌二首

子夜四時歌

春歌四首

夏歌四首

秋歌四首

冬歌四首

歡聞歌二首

團扇歌

碧玉歌

上聲歌

襄陽白銅鞮歌三首

沈約襄陽白銅鞮三首附

楊叛兒

白紵辭二首

河中之水歌

東飛伯勞歌

江南弄

七曲

江南弄

龍笛曲

採蓮曲

鳳笙曲

採菱曲

遊女曲

朝雲曲

上雲樂

七曲

鳳臺曲

桐柏曲

方丈曲

方諸曲

玉龜曲

金丹曲

金陵曲

詩

逸民

直石頭

謝朓和蕭中庶直石頭附

答任殿中宗記室王中書別

任昉別蕭諮議附

宗夬別蕭諮議附

王融別蕭諮議附

王延別蕭諮議附

宴詩

首夏泛天池

登壯顧樓



卷之四  
天安寺疏圃堂

庾肩吾疏圃堂附

籍田

撰孔子正言竟述懷詩

遊仙

遊鍾山大慶敬寺

會三教

釋智藏奉和武帝三教詩附

和太子懺悔

十喻五首

幻

如炎

靈空

乾闥婆

夢

代蘇屬國婦

古意二首

擣衣

織婦

戲作

七夕

紫蘭始萌

邊戍

詠舞

詠燭

詠筆

詠笛

答蕭琛

賜謝覽王暕詩

賜張率

戲題劉孺手板

覺意詩賜江革

送始安王方略入關

聯句

清暑殿効柏梁體

聯句詩

卷之三

詔

遣使巡省詔

遣使巡行州郡詔

求讜言詔

令公卿入陳時政詔

令百司各陳損益詔

令所在條陳民患詔

令所在條陳時政詔

令郡縣各陳時政闕失詔

命剡堂叅議疑事詔

命尚書郎奏事詔

設謗木肺石二函詔

風聞奏事詔

用賢詔

旁求俊乂詔

舊族搜士詔

勿限年次詔

定梁律詔

申勅諸州訊獄詔

慎刑詔

贖刑詔

除贖罪之科詔

更開贖刑詔

赦詔

赦詔

停老少連坐詔

停祖父連坐詔

汝頰建州詔

恆新附諸州詔

禁止私利詔

開山澤常禁詔

清公田詔

原宥散失官物詔

通用足陌錢詔

撫流移詔



埋枯骨詔

罷京觀詔

卷之四

詔

立晉安王爲皇太子詔

祠南郊恩詔五首

改作南北郊詔

耕籍田詔

豐年恩詔

幸蘭陵恩詔

推恩六親詔

停賀瑞詔

罷祈禱詔

建學詔

遣皇子及王侯子弟入學詔

弘經術詔二首

問群臣音樂詔

罷鳳凰銜書詔

放遣後宮詔

禁止宮人縱觀郊祀詔

南面詔

議洗匱詔

守視晉宋齊諸陵詔

差等品流詔

郊廟等令視散騎詔

散騎通直詔

尙書五都詔

牙像詔

出古育王塔下佛舍利詔

代牲詔

薦蔬詔

卷之五

詔

手詔何點

徵何點爲侍中詔

徵庾詵庾承先詔

臧盾兼領軍詔

授江革臨川王長史詔

拜范述曾大中大夫詔

拜何遠給事黃門侍郎詔

與陳慶之手詔

以伏暉爲豫章內史詔

遣豫章王壯伐詔

授武陵王楊州刺史詔

旌沈崇僚詔

旌甄恬詔

答徐勉脩五禮詔

徐勉脩五禮表附

答陶弘景請解官詔

陶弘景解官表附

答陶弘景進冥通記詔

陶弘景進冥通記啓附

與任昉詔

任昉答武帝啓附

答劉之遴詔

答周弘正詔

周弘正請梁武帝釋乾坤二繫啓附

卷之六

詔

贈柳慶遠詔

贈王茂詔

追封蕭穎胄詔

贈范雲詔

贈袁昂詔

贈蔡道恭詔

贈張惠紹詔

贈鄭紹叔詔

贈馮道根詔

贈呂僧珍詔

贈呂義之詔

贈張弘策詔

追贈張弘籍詔



贈孔休源詔

贈蕭子顯詔

贈裴子野詔

贈顧協詔

贈周捨詔

又卹周捨詔

贈陸雲公手詔

贈丘仲孚詔

卹何顯詔

謚庾譚貞節處士詔

贈臨川王宏詔

贈南平王偉詔

贈鄱陽王恢詔

改封南昌公爲侯詔

齊世王侯降封詔

詔許慧詔

責蕭昱詔

蕭昱上武帝表附

責西豐侯正德詔

卷之七

勅

手勅何胤

與何胤勅三首

勅昭明太子

勅報皇太子

答皇太子請御講勅三首

答晉安王請開講啓勅

答晉安王謝開講般若啓勅

答菩提樹頌手勅

答晉安王謝幸善覺寺啓勅

勅貞陽侯淵明

手勅劉之遴

賜陸倕勅

手勅張率

責賀琛勅

卷之八

勅

勅答臣下神滅論

勅光祿大夫江革

勅沈約撰佛記序

與周捨論斷肉勅五首

答曹思文勅

喻智藏勅

釋智藏啓辭武帝附

勅答釋明徹

勅答僧正南澗寺沙門慧超

制

與群臣論明堂制

又制

駁慈母服議制

周捨等慈母服議附

唱斷肉經竟制

冊

謚始興王冊

璽書

賜左丞范鎮璽書

卷之九

令

羈府去苛令

羈府禁奢令

閱武堂大赦令

申飭刑政令

初封梁王下國中恩令

掩骼令

檄

移京邑檄

表

申飭選人表

請徵補謝朓何胤表

卷之十

書

喻袁昂手書



袁昂答書附

袁昂入梁後謝武帝啓附

與蕭寶寅書

答蕭穎胃書

與何胤書

答陶弘景論書書一

陶弘景與武帝論書啓附

答陶弘景論書書一

陶弘景與武帝啓附

答陶弘景論書書三

陶弘景與武帝啓附

答陶弘景論書書四

陶弘景與武帝啓附

又陶弘景啓附

答陶隱居書

與始興王憺書

報侯景書三首

脚氣帖

曹鄴州帖

卷之十一

序

爲亮法師製涅槃經疏序

記

立神明成佛義記

沈續序并註

輿駕東行記

連珠

連珠三首

賜到漑連珠一首

箴

凡百箴

銘

硯銘

文

卽位告天文

捨道歸佛文

邵陵王綸上武帝捨事道法啓附

金剛般若懺文

摩訶般若懺文

卷之十二

文

斷酒肉文四首

附錄

高祖紀畧

唐姚思廉

高祖紀畧

唐李延壽

御講般若經序

梁陸雲公

御講摩訶般若經序

梁蕭子顯

上武帝古今書評啓

梁袁昂

奉勅寫千字文上呈啓

梁蕭子雲

與武帝論牲牷樂辭啓

梁蕭子雲

上武帝郊廟歌辭啓

梁蕭子雲

送瑞鼎詣相國梁公啓

梁劉孝綽

謝高祖啓

梁劉孝綽

從武帝登景陽樓

梁柳惲

奉和武帝苦旱

梁庾肩吾

梁武帝唱斷肉律叙

唐釋道宣

書梁本紀後

明張燮

遺事

集評

梁武帝御製集卷之一

梁高祖武皇帝蕭衍著

賦

淨業賦

有序

少愛山水有懷丘壑身羈俗羅不獲遂志舛獨  
徃之行乖任縱之心因爾登庸以從王事屬時  
多故世路屯蹇有事戎旅略無寧歲上政昏虐  
下豎姦亂君子道消小人道長御刀應勅梅蟲  
兒茹法珍俞靈韻豐勇之如是等多輩誌公所



謂亂戴頭者也誌公者是沙門寶誌形服不定  
示見無方于時群小疑其神異乃羈之攀林外  
閣公亦怒而言曰亂戴頭亂戴頭各執權軸人  
出號令威福自由生殺在口忠良被屠讎之害  
功臣受無辜之誅服色齊同分頭各驅皆稱帝  
主人主尊極用其詭詐疑亂衆心出入盤遊無  
忌昏曉屏除京邑不脫日夜屬纊者絕氣道傍  
子不遑哭臨月者行產路側母不及抱百姓懍  
懍如崩厥角長沙宣武王有大功於國禮報無

報酈害奄及至於弟姪亦罹其禍遂復還桓禰  
與杜伯符等六七輕使以至雍州就諸軍帥欲  
見謀害衆心不與故事無成後遣劉山陽灼然  
見取壯士驅虎噐甲精銳君親無校便欲束身  
待戮此之橫暴出自群小畏壓溺三不弔况復  
姦豎乎若蕭然就死爲天下笑俄而山陽至荆  
州爲蕭蕭所執卽遣馬驛傳道至雍州乃赫  
然大號建牙豎旗四方同心如響應聲以濟永  
元二年正月發自襄陽義勇如雲舳艫蔽漢竟

陵太守曹宗馬軍主殷昌等各領騎步夾岸迎  
候波浪逆流亦四十里至朕所乘舫乃止有雙  
白魚跳入舫前義等孟津事符冥應雲動天行  
雷震風馳郢城尅定江州降款姑熟甲冑望風  
退散新亭李居士稽首歸降獨夫旣除蒼生甦  
息便欲歸志園林任情草澤下逼民心上畏天  
命事不獲已遂膺大寶如臨深淵如履薄冰猶  
欲避位以俟能者若其遜讓必復魚潰非直身  
死名辱亦負累幽顯乃作賦曰日夜常慙惟循

環亦已窮終之或得離離之必不終負宸臨朝  
晁旒四海昧旦乾乾夕惕若厲朽索御六馬方  
此非譬世論者以朕方之湯武然朕不得以比  
湯武湯武亦不得以比朕湯武是聖人朕是凡  
人此不得以比湯武但湯武君臣義未絕而有  
南巢白旗之事朕君臣義已絕然後掃定獨夫  
爲天下除患以是二途故不得相比朕布衣之  
時唯知禮義不知信向烹宰衆生以接賓客隨  
物肉食不識菜味及至南面富有天下遠方珍

羞貢獻相繼海內異食莫不畢至方丈滿前百  
味盈俎乃方食輟筋對案流泣恨不得以及溫  
清朝夕俱養何心獨甘此膳因爾蔬食不噉魚  
肉雖自內行不使外知至於禮宴群臣脩膳按  
常菜食味習體過黃羸朝中班班始有知者謝  
朐孔彥頗等屢勸解素乃是忠至未達朕心朕  
又自念有天下本非宿志杜恕有云剗心擲地  
數片肉耳所賴明達君子亮其本心誰知我不  
貪天下唯當行人所不能行者令天下有以知

我心復斷房室不與嬪侍同屋而處四十餘年矣於時四體小惡問上省師劉澄之姚菩提疾候所以劉澄之云澄之知是飲食過所致答劉澄之云我是布衣甘肥恣口劉澄之云官昔日食那得及今日食姚菩提含笑搖頭云唯菩提知官房室過多所以致爾于時久不食魚肉亦斷房室以其智非和緩術無扁華默然不言不復詰問猶令爲治劉澄之處酒姚菩提處丸服之病逾增甚以其無所知故不復服因爾有疾

常自爲方不服醫藥亦四十餘年矣本非精進  
既不食衆生無復殺害障既不御肉無復欲惡  
障除此二障意識稍明內外經書讀便解悟從  
是已來始知歸向禮云人生而靜天之性也感  
物而動性之欲也有動則心垢有靜則心淨外  
動既止內心亦明始自覺悟患累無所由生也  
乃作淨業賦云爾

觀人生之天性抱妙氣而清靜感外物以動欲  
心攀緣而成情過恒發於外塵累必由於前境

若空谷之應聲似遊形之有影懷貪心而不厭  
縱肉意而自騁目隨色而變易眼逐貌而轉移  
觀五色之玄黃翫七寶之陸離著華麗之窈窕  
耽冶容之逶迤在寢興而不捨亦日夜而忘疲  
如英媒之在摘若駿馬之帶羈類白日之麗天  
乃歷年之不虧觀耳識之愛聲亦如飛鳥之歸  
林旣流連於絲竹亦繁會於五音經昏明而不  
絕歷四時而相尋或亂情而惑慮或惛耳而堙  
心至如香氣醇起觸鼻發識婉婉追隨氤氲無



極蘭麝夾飛如鳥二翼若渴飲毒如寒披棘舌  
之嗜味衆塵無有大苦鹹酸莫不其口噉食衆  
生虐及飛走唯日不足長夜飲酒悖亂明行罔  
慮幽咎身之受觸以自安怡美目清揚巧笑蛾  
眉細腰纖手弱骨豐肌附身芳潔觸體如脂狂  
心迷惑倒想自欺至如意識攀緣亂念無邊靡  
懷善想皆起惡筌如是六塵同障善道方紫奪  
朱如風靡草抱惑而生與之偕老隨逐無朋莫  
非煩惱輪迴火宅沈溺苦海長夜執固終不能

改述否咎隨災異互起內懷邪信外縱淫祀排  
虐枉命躋寶橫死妄生神祐以招福祉前輪折  
輓後車覆軌殃國禍家亡身絕祀初不內訟責  
躬反已皇天無親唯與善人外清眼境內淨心  
塵不與不取不愛不嗔如玉有潤如竹有筠如  
芙蓉之在池若芳蘭之生春淤泥不能汙其體  
重昏不能覆其真霧露集而珠流光風動而生  
芬爲善多而歲積明行動而日新常與德而相  
隨恒與道而爲隣見淨業之愛果以不殺而爲

因離欲惡而自修故無障於精神患累已除障  
礙亦淨如久澄水如新磨鏡外照多像內見衆  
病既除客塵又還自性三途長乖八難永滅止  
善旣脩行善無缺清淨一道無有異轍唯有哲  
人乃能披襟如石投水莫逆於心心清冷其若  
冰志皎潔其如雪在欲結其旣除懷憂畏其亦  
滅與恩愛而長違顧生死而永別覽當今之逸  
少想後來之英童懷荆玉而未剖藏神器而存  
躬脩聖行其不已信善積而無窮永劫揚其美

名萬代流於清風豈伏強而稱勇乃道勝而爲  
雄

孝思賦有序

想緣情生情緣想起物類相感故其然也每讀  
孝子傳未嘗不終輟書悲恨捐心嗚咽年未  
髫鬣內失所恃餘喘吟嬾媪相長齒過弱冠  
外失所怙限職荆蠻致闕晨昏江途遶僦家無  
措信髮髻行路先君體有不安晝則輟食夜則  
廢寢方寸煩亂容身無所便投刺解職以遵歸  
路于時齊隋郡王子隆鎮撫陝西頻煩信命令  
停一夕明當早出江津送別心慮迫切不獲承

命止得小船望星就路夜冒風浪不遑寧處途  
次宛陵船又損壞于時門賓周仲連爲鵲頭戍  
主借得一舸奔波兼行屢經危險僅而獲濟及  
至戾止已無逮及五內皆裂肝心破碎便欲歸  
身山下畢志墳陵長兄哀慟未說獨行續有北  
問狡虜寇邊朝廷以先君遺愛結民咸思在昔  
故舊部曲猶有數千武慶宗將領留防彼鎮時  
便有旨使扞壽春王事靡盬辭不獲免刺史崔  
慧景志懷翻覆遠招逋逃多聚姦俠大猾凶醜

莫不雲集至如彭益韓元孫等不可稱數倍道  
電邁奄至淮淝凶徒疑駭相引離散臺軍主徐  
玄慶房伯玉等欲襲取慧景乃固禁之方得止  
息是歲齊明作相疑論未決密馳表疏勸徵慧  
景折簡而召必不違拒卽重遣還以安其心姦  
渠旣出緣邊無虞旬朔之間慧景反鎮卽便解  
甲以歸京師因爾驅馳不獲停息數鍾百六時  
會雲雷撥亂反正遂膺四海念子路見於孔丘  
曰由事二親之時常食藜藿之食爲親負米百

里之外親沒之後南遊於楚從車百乘積粟萬  
鍾累茵而坐列鼎而食願食藜藿之食爲親負  
米不可復得每感斯言雖存若亡父母之恩云  
何可報慈如河海孝若涓塵今日爲天下主而  
不及供養譬猶荒年而有七寶饑不可食寒不  
可衣求慕長號何解悲思乃於鍾山下建大愛  
敬寺於青溪側造大智度寺以表罔極之情達  
追遠之心不能遺蓼莪之哀復於宮內起至敬  
殿竭工匠之巧盡世俗之奇水石周流芳樹雜



晷限以國事亦復不能得朝夕侍食唯有朔望  
親奉饋奠雖復得薦珍羞而無所瞻仰內心崩  
潰如焚如灼情切於衷事形於言乃作孝思賦  
云爾

感四氣之變易見萬物之化成受天和而異命  
稟地德而齊榮察蟪蛄於政覽觀鯢鰓於吐溟  
彼含識而異見同有色而殊形雖萬類之衆多  
獨在人而竄靈禮義別於飛走言語異於鸚猩  
念過隙之儻忽悲逝川之不停踐霜露而悽愴

懷燧穀而涕零掩此哀而不去亦靡日而弗思  
仲由念枯魚而永慕丘吾感風樹而長悲雖一  
至而捨生奉二親而何期思因情生情因思起  
導情源以流澍引思心而無已旣懷憂以終身  
亦銜恤而沒齒常閒居以永念獨拊膺而自傷  
徒升岵而靡瞻空陟屺其何望涕縱橫以交流  
血沸涌而沾裳覽地義以自咎懼滅性之乖方  
仰太極以長懷乃告哀於昊蒼冀皇天之有感  
何報施之茫茫曉百碎於魏闕夜萬斷於中腸

心與心而相續思與思而未央晨孤立而縈結  
夕獨處而徊徨氣寒哀其似噎念積心其若狂  
至如獻歲發暉春日載陽水散百華草列衆芳  
對樂時而無歡乃觸目而感傷朱明啓節白日  
朝臨木低甘果樹接清陰不娛悅於懷抱但用  
極而纏心蕪葭蒼蒼白露爲霜涼氣入衣淒風  
動裳心無迫而自切情不觸而獨傷若乃寒冰  
已結寒條已折林飛黃落山積白雪旅鴈鳴而  
哀哀朔風鼓而颼颼目觸事而破碎心隨感而

斷絕無一息而緩念與四時而長切年揮忽而  
莫反時瞬睽其如電想慈顏之在昔哀不可而  
重見痛生育之靡咎顧報復而無片悲與恨其  
俱興涕雜血其如霰鷓青春而差池鴻素秋而  
翱翔去來候於節物飛鳴應於陰陽何在我而  
不爾與二氣而乖張常茹酷而輪迴歷日夜而  
不忘旣視丹而成綠亦見白而爲黃擾性情以  
翻覆汨神慮而迷荒想鳴鶴而魂斷聽孤雛而  
心死慟終天而無怙號畢世而靡恃觀休屠之

日禪豈教義之所及見甘泉之畫像每下拜而  
垂泣忽心動而不安遽入侍於帝室值何羅之  
作難乃捨之以投瑟超王臣之稱首冠誠勇而  
無匹士行已之多方見石他之有權身雖死而  
名揚乃忠孝之節全顧丁蘭其何人家河內之  
野王時舞象而方及始成童而親亡刻木母以  
俱事常朝夕而在傍劉鎮就養而不暇常遠汲  
而力寡苦節感於幽靈醴泉生於竈下顧長沙  
之臨湘有古初之道始時父沒而未塋遇隣火

之卒起乃伏棺而長號雨暴至而火死又何琦  
其亦然獨樞屋而全止至如王祥黃雀入帳隗  
通橫石特起盛彥之開母目邢渠之生父齒覽  
斯事而衆多亦難得而具紀靈蛇銜珠以酬德  
慈烏反哺以報親在蟲鳥其尚爾况三才之令  
人治本歸於三大生民窮於五孝置天地而德  
盈橫四海而不撓履斯道而不行吁孔門其何  
教

圍棋賦

圖奩象天方局法地枰則廣羊文犀子則白瑤  
玄玉方目無斜直術不曲爾乃建將軍布將士  
列兩陣駢雙軌徘徊鶴翔差池燕起厝忿兵而  
不顧亦馮河而必危癡無成術而好鬪非智者  
之所爲遲疑心而猶豫志無成而必虧今一棋  
之出手思九事而爲防敵謀斷而計屈欲侵地  
而無方不失行而致寇不助彼而爲強不讓他  
以增地不失子而云亡落重圍而計窮欲佻巧

而行促劇疎勒之遠邇甚白登之困辱或龍化而超絕或神變而獨悟勿膠柱以調瑟專守株而待兔或有少基已有活形失不爲粹得不爲榮若有苦戰未必能平用折雄威致損令名故城有所不攻地有所不爭東西馳走左右周章善有讎讐多致敗亡雖蓄銳以將取必居謙以自牧譬猛獸之將擊亦俛耳而固伏若局勢已勝不宜過輕禍起於所忽功墜於垂成至如玉壺銀臺車廂井欄旣見知於曩日亦在今之可



觀或非刼非持兩懸兩生局有衆勢多不可名  
或方四聚五花六持七雖涉戲之近事亦臨局  
而應悉或取結角或營邊鄙或先點而亡或先  
撇而死故君子以之遊神先達以之安思盡有  
戲之要術窮情理之奧秘

賦體

草迴風以照春水承雲以含化芳競飛於陽和  
花爭開於日夜樂萬類之得所豈此心之云舍  
欣分竹其厲精慙戎車之屢駕